



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Ab Alexandro VII. Ad Clementem X.

Luxemburgi, MDCCXLII.

CXX. Super concessione Ecclesiæ, & Conventus S. Pancratii extra, & prope
muros Urbis facta Fratribus Carmelitis Discalceatis Ordinis B. Virginis
Mariæ de Monte Carmelo, necnon super translatione, ...

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

dum, harum serie absolventes, & absolutum fore censes, supplicationibus ejus nomine Nobis super hoc humiliter porrectis inclinari, de Congregationis super statu Regularium deputatae consilio, ex memoratis nostris litteris qua parte prænominatus Conventus B. Petri de Nolafco subjicitur obedientiae dicti Procuratoris Generalis, qui Superiorem, & familiam in eo collocare debeat, nullum praedictum fuisse illatum superioritati, ac jurisdictioni memorati Vicarii Generalis auctoritate praedicta tenore praesentium declaramus.

Decretum irritans.

§. 3. Decernentes easdem praesentes litteras semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit plenissime suffragari; Sicque in praenissis per quoscumque Judices ordinarios, & delegatos, etiam Caesarum Palatii Apostolici Auditores judicari, & definiti debere, ac irritum, & inane si secus super his à quoquam quavis auctoritate scienter, vel ignoranter contigerit attentari.

Dat. P. An. 7 die 27. Jan.

§. 4. Non obstantibus praedictis nostris literis, necnon omnibus, & singulis illis, quae in eis volumus non obstare, caeterisque contrariis quibuscumque.

Datum Romae apud S. Mariam Majorem sub Annulo Piscatoris, die 27. Januarii 1662. Pontificatus Nostri Anno septimo.

CXIX.

Deputatio Eminentissimi Cardinalis Chifii in Protectorem Fratrum Ordinis Minorum S. Francisci de Paula.

Edita A. D. 1662.

ALEXANDER PAPA VII.

Dilecto Filio Nostro Flavio Tituli S. Mariae de Populo S. R. E. Cardinali Chifio nuncupato Nostro secundum Carnem ex Fratre germano Nepoti. Dilectae Fili Salutem, & Apostolicam Benedictionem.

Motus.

CUM per obitum bonae memoriae Bernardini, dum vixit, S. R. E. Cardinalis Spadae nuncupati, Ordinis Fratrum Minorum S. Francisci de Paula apud Nos, & Apostolicam Sedem Protectoris, nuper apud Sedem praefatam defuncti, Ordo praedictus Protectore destitutus manserit.

Præfuit in protectorem.

§. 1. Nos eidem Ordini de idoneo Protectore providere volentes, ac de tua Circumspectionis singulari prudentia, doctrina, & integritate, & Religionis zelo plurimum in Domino confisi, Motu proprio, & ex certa scientia, ac matura deliberatione nostris; Te, ex cujus Protectione, ob tuas eximias virtutes Ordinem praedictum plurimum commodi, & ornamenti suscepturum esse confidimus, praedicti Ordinis, illiusque domorum Regularium, & Religiosorum quorumcumque apud Nos, & Sedem praefatam Protectorem cum omnibus facultatibus, jurisdictionibus, honoribus, & oneribus solitis, & consuetis, & quibus alii ante te dicti Ordinis Protectores usi sunt, ac uti quomodolibet potuerunt, seu etiam debuerunt, ad tui vitam Apostolica auctoritate tenore praesentium facimus, & deputamus.

§. 2. Volumus autem, ac tibi in virtute sanctae obedientiae mandamus, ut Superiorum dicti Ordinis auctoritatem, quantum fieri potest, conservare cures, & propterea cum ipsi Superiores eorum officii debito satisfecerint, ac gubernio, & regimini Subditorum sufficienter incubuerint, tum in negotiis eorumdem Religiosorum te non immisceas.

§. 3. Quando autem ab eisdem Superioribus requisitus fueris, ut in eisdem negotiis auctoritatem tuam interponas, vel necesse fore cognoveris, ut eandem auctoritatem tuam in ipsis negotiis exerceas, tum id liberè facere possis, sed quoad

potueris per teipsum hoc facere cures, adhibito ad scribendum, quando opus fuerit, in iisdem negotiis, seu causis, loco Notarii, aliquo ex Regularibus dicti Ordinis.

§. 4. Mandantes propterea dilectis filiis Correctori Generali, ac Visitoribus, & aliis Superioribus, necnon Univerfis Fratribus, & personis quibuscumque dicti Ordinis in virtute sanctae obedientiae, ut te in eorum Protectorem, juxta tenorem praesentium recipientes, ea, qua debent, reverentia prosequantur.

Contrariis derogat.

§. 5. Contrariis non obstantibus quibuscumque, Coeterum te in Domino hortamur, ut hujusmodi Protectoris munus ita obire studeas, ut apud Deum bonorum operum retributorem, aeternorum praemium, & à Nobis condignam laudem valeas promereri.

Dat. P. An. 7 die 6. Febr.

Datum Romae apud S. Mariam Majorem sub Annulo Piscatoris die 6. Februarii 1662. Pontificatus Nostri Anno septimo.

Super concessione Ecclesiae, & Conventus S. Pancratii extra, & prope muros Urbis facta Fratribus Carmelitis Discalceatis Ordinis B. Virginis Mariae de Monte Carmelo, necnon super translatione, five nova erectione Seminarii Missionum ejusdem Congregationis in praefatis Ecclesia, & Conventu.

CXX.

Vide ad Constit. 10. Decet Romanum, supra, in qua agitur de dominio, & gubernatione hujusmodi Seminarii.

ALEXANDER PAPA VII.

Edita A. D. 1662.

Ad futuram rei memoriam.

INscrutabili divinae providentiae arcano universalis Ecclesiae regimini praesidentes ad illa, quae in Fidei Catholicae, Religionisque propagationem, & incrementum cedere, & cessura esse noscuntur propensis studiis intendimus, eorumque firmitati, robori & efficaciae libenter consulimus, ac alias sollicitudinis nostrae Pastoralis partes desuper interponimus, prout omnibus matura considerationis trutina perpensis ad Omnipotentis Dei gloriam, animarumque salutem cognoscimus in Domino salubriter expedire.

Exordium.

§. 1. Alias siquidem Nos certis ex causis tunc expressis adducti auctoritate Apostolica statuimus, decrevimus, & ordinavimus Conventum, seu Seminarium Sancti Pauli, five S. Mariae de Victoria nuncupat. de Urbe Ordinis Fratrum ejusdem S. Mariae de Monte Carmelo Discalceatorum nuncupatorum esse debere Provinciae Romanae ejusdem Ordinis Provinciali Romano subiectum in omnibus, & per omnia etiam quoad Conventualitatem Fratrum non Seminaristarum ad instar aliorum dictae Provinciae Conventuum, ac Officiales à Capitulo Generali, seu Definitorio Generali electos, & ibidem constitutos dimitteudos, videlicet, Priorem, Subpriorem, seu Vicarium, & ad Capitulum Provinciale ejusdem Provinciae Romanae in futurum spectare electionem Prioris (cum participatione tamen, & approbatione quoad hunc Congregationis Venerabilium Fratrum nostrorum S. R. E. Cardinalium negotio Propagandae Fidei Praepositorum) necnon etiam Subprioris, seu Vicarii, aliorumque Officialium Conventus, seu Seminarii hujusmodi ad formam Constitutionum praedictae Religionis, remanentibus tamen ibidem Seminario, & Seminaristis, eorumque contraversarum, & Linguarum Orientalium Lectoribus, & Magistris tunc existentibus & pro tempore futuris, quorum electio, & amotio cum participatiooe Praepositi Generalis dicti Ordinis ad Congregationem Cardinalium praedictorum in futurum spectaret, & pertineret. Insuper administrationem omnium, & singulorum

Recenset primum Brev.

bonorum

bonorum, reddituum, & proventuum à q. Francisco Cimino Barone de Cacurri, quam ab aliis relictorum, datorum, seu donatorum, & imposterum relinquendorum, dandorum, seu donandorum videlicet pro Missionibus faciendi curæ, & diligentia dictæ Congregationis Cardinalium, amoris Syndicis, & Procuratoribus quibuscumque prædicti Ordinis commissimus. Præterea quamvis Conventus præfatus esset, & esse deberet, ut supra, Provinciæ Romanæ, volumus nihilominus, ut in illo, ut ante dictum est Seminaristæ, eorumque Lectores, & Magistri una cum Fratribus ejusdem Provinciæ liberè cohobitare, & convenire valerent, pro alimentis verò, sustentatione, vestitu, famulatu, aliisque necessariis Seminaristarum, eorumque Lectorum solverentur prædicto Conventui, seu ejus Priori, & Procuratori per Congregationis prædictorum Cardinalium Ministros ex redditibus dicti Seminarii, vel pro Missionibus, ut supra, relictis, seu in posterum relinquendis annua scuta quadraginta pro quolibet Seminarista, vel Lectore pro tempore, & rata temporis, quo quilibet Lector, & Seminarista ibi resideret, ac cohobitaret, & conviveret, remanentibus ad Conventus commodum elemosynis, seu emolumentis pro Missis à prædictis Seminaristis, Lectoribus, & Magistris celebrandis quomodolibet resultantibus. At si Lector pro studio Linguarum foret sæcularis, vel Religiosus alterius Ordinis, competens ei stipendium ex dicti Seminarii redditibus, ejusdem Congregationis Cardinalium arbitrio, assignaretur; & alias prout in nostris in simili forma Brevis litteris die 24. Septembris 1655. desuper expeditis quarum tenorem præsentibus pro plenè, & sufficienter expresso, & inserto haberi volumus ubertius continetur.

§. 2. Cum autem sicut dilectus filius Dominicus à Sanctissima Trinitate Præpositus Generalis Congregationis Italiæ Fratrum Discalceatorum dicti Ordinis B. Mariæ de Monte Carmelo, Nobis nuper exponi fecit. dilectus filius noster Franciscus S. Mariæ in Porticu Diaconus Cardinalis Mardalchini nuncupatus, qui Monasterium Abbatiam nuncupatum S. Pancratii propè, & extra mœnia Urbis olim suppressi Ordinis Fratrum Sanctorum Barnabæ, & Ambrosii ad nemus in Commendam ad sui vitam ex concessione, & dispensatione Apostolica obtinet, Ecclesiam ejusdem Sancti Pancratii, ac Fabricas illi adjacentes, & viridarium, necnon terras illi contiguas, ac annexas, & connexas circumcirca Ecclesiam, & Monasterium hujusmodi eidem Dominico Præposito Generali, ac Congregationi Italiæ, ad hoc ut Seminarium prædictum commodius illic transferri, seu ibidem de novo erigi valeat, reservato tamen nostro, & Sedis Apostolicæ beneplacito, concesserit cum diversis pactis, & conditionibus, & aliis prout latius continetur in publico desuper confecto Instrumento tenoris qui sequitur videlicet.

§. 3. In Nomine Domini Amen. Præsenti publico Instrumento cunctis ubique pateat evidenter, & sit notum quod Anno ab ejusdem D. N. Jesu Christi Nativitate 1662. Indictione 15. Die verò 7. Januarii Pontificatus autem Sanctissimi in Christo Patris, & Domini Nostri Domini Alexandri Divina Providentia Papæ VII. Anno ejus septimo. In mei Antimi Curti Curia Casarum Cameræ Apostolicæ, ac D. Innocentii Meuli Notariorum publicorum in solidum rogati Testiumque infra scriptorum ad hæc omnia, & singula vocatorum, habitorum atque rogatorum præsentia Præsens, & personaliter constitutus Per Ill. & Excell. D. Julius Cæsar. Seronius in Romana Curia Advocatus Nobis &c. Cognitus Procurator ad infra scripta peragendum specialiter constitutus ab Eminentiss. & Reverendiss. D. Francisco tituli S. Mariæ in Por-

tico Diacono Cardinali Mardalchino nuncupato, ac perpetuo Commendatario Abbate nuncupato Monasterii Abbatia nuncupata S. Pancratii propè, & extra mœnia Urbis olim suppressi Ordinis Sanctorum Barnabæ & Ambrosii ad Nemus ut de ejus mandato Procuræ constat in actis mei Curti sub hodierna die ad quod, cui Eminentiss. D. Cardinali nil magis curæ est, ut quantum per vires licet Catholica Religio ubique Terrarum Orbis, semotis hæreticorum, & infidelium falsis dogmatibus propagetur, ac in Ecclesiis Monasteriorum ejus regimini, & gubernio ex benignitate Sedis Apostolicæ commissis divinus cultus, ac Ministrorum Ecclesiasticorum numerus augeatur inibique Divina officia majori qua potest veneratione peragantur, ac exoptatum finem aliqua in parte consequi sperans si per ipsum Ecclesia prædicta, ac Fabricæ illi adjacentes, & viridarium, necnon Terræ illi contiguæ, ac annexæ, & connexæ circumcirca Ecclesiam, ac Monasterium hujusmodi ad hoc, ut commodius Seminarium Missionum sub Titulo Sancti Pauli Fratrum Carmelitarum Discalceatorum Congregationis Italiæ Ordinis B. Mariæ Virginis de Monte Carmelo ad præsens existens in Domo Regulari, seu Conventu S. Mariæ de Victoria nuncupata de Verbe ejusdem Ordinis ad prædictum Monasterium S. Pancratii Apostolica auctoritate transferri, seu in eo denuò erigi valeat, quantum in se concederentur, & assignarentur.

Quapropter ex causis supradictis dictus D. Julius Cæsar Seronius Procuratorio nomine, ut supra reservato in primis, & ante omnia beneplacito Apostolico, & non alias, aliter, nec alio modo &c. spontè &c. omni meliori modo &c. Ecclesiam, ac Fabricas, & Viridarium, necnon Terras prædictas in eodem statu, & esse in quo ad præsens reperiuntur pro dicto Seminario ad effectum illius translationis, sive novæ erectionis, ut præfertur absque alio præjudicio ipsius Eminentiss. D. Cardinalis, ejusque in dicto Monasterio Successorum, Præposito, ac Diffinitoribus Generalibus, aliisque Superioribus præsentibus, & pro tempore existentibus dicti Ordinis, cæterisque Religiosis ejusdem Ordinis licet absen. Reverendiss. P. Dominico à Sanctissima Trinitate Præposito Generali dicti Ordinis Carmelitarum Discalceatorum, necnon Adm. Rev. P. Philippo à Sanctissima Trinitate, & Rev. P. Balthasare à S. Catharina Senense Diffinitoribus Generalibus prædicti Ordinis Congregationis Italiæ præsentibus, & acceptantibus etiam pro Adm. RR. PP. Joanne à Sancto Hieronymo & Paulo à Sanctissimo Sacramento etiam Diffinitoribus Generalibus Ordinis, & Congregationis prædictæ absentibus pro quibus, & quatenus opus sit de rato in forma promittentibus; Ita quod &c. aliis &c. in perpetuum concessit, & assignavit cum clausula, & effectu constituti in forma nullo jure &c. nisi infra scriptis legibus, conditionibus, & reservationibus inter ipsum Eminentiss. D. Cardinalem, & prædictos Rev. P. Præpositum Generalem, & Adm. RR. PP. Diffinitores nomine proprio, ac totius Ordinis hujusmodi sub eodem beneplacito Apostolico conventis, & statutis videlicet.

Quod Titulus, & denominatio Abbatia prædictæ, ac fructus, redditus, proventus, jura, obventiones, emolumenta, res, bona, dona, proprietates, prædia, jurisdictiones, actiones, annexa, & connexa, pertinentia, dependentia, adjacentia, præter præmissa, Censuræ, Canones, responsones, & alia quæcumque in quibusvis rebus consistentia bona ad Monasterium prædictum quomodolibet, quocumque titulo, spectantia, & pertinentia ad prædictum D. Cardinalem, & ejus in dicto Monasterio successores liberè, ac pleno jure perinde, ac si concessio prædicta facta non fuisset perpetuò reservata existant; Itaut eadem Concessio semper

intelligatur facta, & esse debeat de solis, & nudis muris ipsius Ecclesie, illiusque domorum, ac de Viridario, & Terris predictis, ac omnia, & singula alia superius expressa præter hæc præmissa à predictis Ecclesia, & Monasterio, etiam perpetuò penitus & omninò sejuncta, disjuncta, divisa, separata, & segregata esse debeant, & intelligantur. Itaut Præpositus Generalis, & alii Superiores, ac Fratres Seminarii, & Ordinis hujusmodi ad quorum favorem hæc Concessio fit, nil aliud unquam perpetuis futuris temporibus quovis prætextu etiam inopinato, & ex quavis causa etiam ratione onerum predictæ Ecclesie incumbentium, & illorum adimplementi etiam si aliquid ex præmissis pro adimplemento onerum specialiter donatum, seu relictum fuisset habere, & prætereundere non possint, præterquam nudam Ecclesiam, Fabricas, Viridarium, & Terras predictas, necnon etiam eidem Eminentiss. D. Cardinali, ac ejus in predicto Monasterio Successoribus tres stantia in dicto Monasterio propè Portariam ad eorum dumtaxat usum, & habitationem pro illorum personis tantum reserventur, & reservatæ existant, & intelligantur, & predicti Præpositus, & Definitorum Generales, & pro tempore existentes Superiores, & alii Religiosi dicti Ordinis teneantur, & obligati existant prout supradicti Reverendiss. P. Præpositus, & PP. Philippus, & Balthasar Diffinitores, & pro aliis Diffinitoribus ut supra obligarunt & promiserunt quamdiu Seminarium predictum in Aedibus predictæ Ecclesie permanserit propriis Seminarii, seu Congregationis, aut Ordinis hujusmodi sumptibus, & absque eo quod à predicto Eminentiss. D. Cardinali, sive ejus in dicto Monasterio Successoribus aliquid unquam pro tempore consequi, seu prætereundere valeant in predicto Monasterio Sacerdotes habere, & tenere, qui Missas in predicta Ecclesia celebrent, & Divina Officia peragant, ac omnia, & singula onera dictæque Ecclesie quomodolibet incumbentia tam ea quæ ad præsens in lucem prodierunt, quam alia quæcumque quæ forsitan tractu temporis detegentur ad amissum, & ad unguem adimpleant confecto per eos libro in quo onera predicta, quorum notitia ad præsens habetur, adnotentur, & etiam simili modo alia quæ forsitan in futurum apparere contingat, quem librum tertio quoque anno ad dictum Eminentiss. D. Cardinalem, & Commendatarium pro tempore existens teneantur deferre, ut videre possint an onera sint adimpleta, necnon omnes reparationes necessarias, tam in dicta Ecclesia, quam Aedibus predicti Monasterii propriis sumptibus facere. Itaut predictus Eminentiss. D. Cardinalis, & ejus in dicto Monasterio Successores aliquid occasione reparacionum predictarum contribuere minimè teneantur nisi casu, quo tractu temporis Ecclesia, seu Monasterium hujusmodi in totum, vel in notabili parte rueret, tunc enim Ecclesie, seu Monasterii hujusmodi refectio ad predictum Eminentiss. D. Cardinalem, & ejus in dicto Monasterio Successores spectet, & pertineat, neque liceat Præposito Generali aliisque Superioribus, & Religiosis dicti Ordinis perpetuis futuris temporibus Ecclesiam, seu Fabricas, & Viridarium, & terras predictas cuicumque aliæ Religionis, seu personæ cuicumque gradus, status, & conditionis etiam speciali nota dignæ, quocumque titulo, prætextu, causa, & occasione, neque in toto, neque in parte etiam minima concedere, neque ad effectum concessionis hujusmodi licentiam, & facultatem à Sede Apostolica petere, & obtinere, liceat tamen quascumque commoditates eidem PP. placitas, & benevolas in Ecclesia, & Monasterio predictis pro eorum arbitrio peragere, debeantque Religiosi dicti Ordinis, qui in dicto Monasterio permanserint ornamenta Altarium, & paramenta Ecclesiastica, ac suppellectiles Sacras in meliorem statum reducere,

& ut bona mobilia, & suppellectilia Ecclesie, & Monasterii hujusmodi majori, qua potest cura conserventur, & manuteneantur, debeantque etiam conficere Inventarium, in quo mobilia, & suppellectilia predicta cum eorum qualitatibus, & statu in quo ad præsens reperiuntur adnotentur, & de illis teneantur Religiosi predicti, prout dicti Patres Diffinitores præfentes, nominibus quibus supra promiserunt, & se obligarunt bonum, & fidele computum reddere predicto Eminentiss. D. Cardinali, & ejus in dicto Monasterio Successoribus, ac si tractu temporis Seminarium predictum à predicto Monasterio amoveatur, seu amplius non subsistat, ac Religiosi dicti Ordinis dictum locum relinquunt tunc, & eo casu etiam teneantur, & obligati existant Ecclesiam, Fabricas, Viridarium, & terras predictas, cum omnibus, & singulis reparacionibus, melioramentis, commoditatibus, & ornamentis per Religiosos dicti Ordinis in eisdem Ecclesia, Fabricis, Viridario, & Terris quomodolibet factis predicto Eminentiss. D. Cardinali, sive ejus in dicto Monasterio Successoribus, liberè restituere absque eo quod aliquid propterea à predicto Eminentiss. D. Cardinali, sive ejus in dicto Monasterio Successoribus habere, seu quocumque titulo prætereundere possint, & valeant. Itaut predictus Eminentiss. D. Cardinalis, sive ejus in dicto Monasterio Successores præmissorum omnium, & singulorum possessionem propria auctoritate, & de facto absque Judicis sententia, sive ministerio apprehendere, & retinere possint, & valeant, expresso ad id Præpositi Generalis, & Diffinitorum predictorum proprio, & totius Ordinis hujusmodi nomine accedente consensu.

Declarantes, & constituentes se precario nomine Commendatarii pro tempore existentis predicti Monasterii Ecclesiam, Fabricas, Viridarium, ac Terras predictas possidere, quam clausulam, ut vocant constitui, volunt, & intendunt, ut nunquam tractu temporis, spiret, sed semper, & perpetuò duret, liceat tamen eo casu Religiosis predictis bona mobilia, & suppellectilia cuicumque generis sint, vel speciei ad usum Ecclesie, sive ejus Sacrificie, aut Monasterii hujusmodi quomodolibet spectantia, & pertinentia, quæ Religiosi predicti de eorum proprio compererint, seu quomodolibet eis donata, elargita, aut concessa fuerint nullo dicti Eminentiss. D. Cardinalis, ejusque in dicto Monasterio Successorum ad hoc requisito consensu levare, & secum asportare relicta tamen mobilibus, & suppellectilibus Ecclesie, & Monasterii hujusmodi in eisdem statu, & terminis in quibus ad præsens reperiuntur; Ita ut si usu consumpta fuerint, alia in eorum loco submittere, & subrogare, teneantur, & obligati existant, teneanturque denique Religiosi predicti, prout dicti Diffinitores promiserunt intuitu concessionis hujusmodi tradere, & consignare dicto Domino Cardinali, statim obtento beneplacito Apostolico super approbatione, & confirmatione præmissorum, & infra scriptorum Tabulam depictam cum effigie Sancti Pancratii, ut vulgò dicitur un quadro di San Pancratio, & deinde futuris perpetuis temporibus in die Festo ejusdem S. Pancratii eidem Eminentiss. D. Cardinali, ejusque in dicto Monasterio Successoribus, tradere unam intorticiam Cere albæ librarum trium, ac etiam Præpositus & Diffinitores Generales predicti, eorum propriis, & totius Ordinis, & Seminarii hujusmodi nomine concessionem, & assignationem predictam modo, & forma præmissis factas reservato ut præfertur dicto Beneplacito Apostolico, & non alias acceptarunt, & emolugarunt, non solum præmissis sed & omni meliori modo.

Quæ omnia, & singula supradicta supradicti Præpositus, & Diffinitores propriis, & quibus supra nominibus, & dictis D. Julius Cæsar, Procurato-

rio nomine dicti D. Cardinalis promiserunt habere rata, grata, valida, & firma, & contra non facere sub quovis pretextu &c. alias &c. de quibus &c. quod Juramentum &c. pro quibus dicti Patres Præpositus, & Diffinitores propriis, & quibus supra nominibus, sub eadem beneplaciti reservatione bona dicti eorum Monasterii, & Ordinis, seu Congregationis, Religiosos, & successores quoscumque in eis, & dictus D. Julius Cæsar Procuratorio nomine quo supra dictum Eminentissimum Dominum Cardinalem bona &c. in forma Camere Apostolicæ cum solitis clausulis &c. citra &c. obligarunt &c. renunciarunt &c. consenserunt &c. unica &c. & tactis pectoribus, more &c. & scripturis respective jurarunt, &c. super quibus omnibus, & singulis præmissis, peticum fuit à me Curie Causarum Camere Apostolicæ Notario publico infrascripto, ut unum, vel plura, publicum, seu publica considerem, atque traderem Instrumentum, & Instrumenta prout opus fuerit, & requisitus ero. Actum Romæ in Palatio solitæ habitationis Illustriss. & Reverendiss. D. Fagnani in Monte Pincio præsentibus ibidem audientibus, & intelligentibus Rev. D. Hieronymo filio q. Jo. Domini Erminei Urbevetano, & D. Jo. Carolo Paschetto q. Archangeli de Pedeluco Interamnen. Dioc. Testibus ad prædicta omnia, & singula vocatis habitis specialiter atque rogatis. Ego Antimus Curtus Cur. Cau. Camer. Apostolicæ Notarius, de præmissis rogatus præsens Instrumentum subscripsi, & publicavi requisitus.

Confirmat
concessionem
præfatam.

§. 4. Nobis propterea prædictus Dominicus Præpositus Generalis humiliter supplicari fecit, ut in præmissis opportunè providere, & ut infra indulgere de benignitate Apostolica dignaremur. Nos igitur dictum Dominicum Præpositum Generalem specialibus favoribus, & gratis profecti volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis à jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum ferie absolventes, & absolutum fore censentes: ac quarumvis litterarum Apostolicarum præsertim fel. rec. Pauli V. ac Urbani VIII. & Innocentii X. Romanorum Pontificum Prædecessorum nostrorum etiam in simili forma Brevis super institutione dicti Seminarii, ac ordinationibus illud quovis modo concernentibus respectivè emanatarum, necnon Decretorum præfatæ Congregationis Cardinalium negotio Propagandæ Fidei Præpositorum, ac Capituli Generalis Ordinis, seu Congregationis Italiae hujusmodi concordiarum, testamentorum, codicillorum, legatorum, & aliarum dispositionum quarumcumque tenores, & datas etiam veriores, ac alia etiam speciali, & individua mentione, & expressione digna præsentibus pro plenè, & sufficienter expressis, & insertis habentes hujusmodi supplicationibus inclinati, concessionem dictæ Ecclesiæ S. Pancratii, & Fabricarum illi adjacentium, & Viridarii, necnon Terrarum illi vicinarum, ac annexarum, & connexarum circumcirca Ecclesiam, & Monasterium hujusmodi prædictis Dominico Præposito Generali, & Congregationi Italiae Fratrum Discalceatorum dicti Ordinis B. Mariæ de Monte Carmelo à prædicto Francisco Cardinale sicut præmittitur factum, ac confectum desuper instrumentum præinsertum cum omnibus, & singulis in eo quomodolibet contentis, & expressis auctoritate Apostolica tenore præsentium perpetuò confirmamus, & approbamus, illisque inviolabilis, & perpetuæ firmitatis Apostolicæ robur, & efficaciam adjungimus, ac omnes, & singulos Juris, & facti, ac solemnitarum quarumcumque in similibus etiam de necessitate observandarum, & alios quoslibet etiam substan-

tiales & formales defectus, si qui in præmissis, vel eorum aliquo quovis modo intervenerint; aut intervenisse dici, censeri, prætendi, vel intelligi unquam possent, supplemus, & sanamus, ac penitus, & omninò tollimus, & abolemus. Præterea in prædictis Fabricis ad usum Monasterii factis, & quæ ad eum effectum ante suppressionem prædicti Ordinis SS. Barnabæ, & Ambrosii ad Nemus serviebant, novum Conventum Fratrum Discalceatorum nuncupatorum dictæ Congregationis Italiae Ordinis B. Mariæ de Monte Carmelo, sub titulo, seu invocatione S. Pancratii cum Ecclesia ejusdem S. Pancratii, ac Viridario, & Terris supradictis itidem perpetuò erigimus, & instituímus. Ac prædictum Seminarium S. Pauli in supradicto Conventu S. Mariæ de Victoria alias Apostolica auctoritate erectum, & institutum à Conventu hujusmodi in Conventum S. Pancratii sic noviter erectum pariter perpetuò transferimus, & transportamus, seu ipsum Seminarium sub denominatione, seu invocatione ejusdem S. Pauli in dicto novo Conventu S. Pancratii, itaut idem Seminarium regimini, & gubernio memorati Domini moderni, & pro tempore existentis Præpositi, ac Definitorii Generalis memoratæ Congregationis Italiae Fratrum Discalceatorum in omnibus, & per omnia immediatè subdit, & in illo assidue commorari debeant duodecim saltem Seminaristæ in Sacro Presbyteratus ordine constituti, ac regulares dictæ Congregationis ex illius Provinciis assumendi, qui bonis moribus, pietate, zelo, prudentia, doctrina, aliisque virtutibus, necnon corporis sanitate præditi sint, & Studium Sacræ Theologiæ compleverint, ac intra octiduum à die ingressus cujuslibet eorum in dictum Seminarium eorum, seu juramentum eundi ad Missiones sibi injungendas in manibus dicti Præpositi Generalis, seu Superioris novi Conventus hujusmodi pro tempore existentis emittere debeant sub hac forma videlicet: Ego N. promitto me ad quamlibet Missionem pro conversione infidelium, seu hæreticorum iturum cum obedientia id mihi injunxerit, nec ab hoc voto, seu juramento absolvi unquam possint, auctoritate, & tenore præfatis itidem perpetuò de novo erigimus pariter, & instituímus. Volentes, & decernentes quod præfatus modernus, & pro tempore existens Præpositus Generalis antedictæ Congregationis Italiae semper teneatur eosdem Seminaristas ad eas Missiones destinare, seu amandare, quæ ei à præfata Cardinalium Congregatione negotio Propagandæ Fidei Præposita ordinatæ fuerint, juxta modum, seu capacitatem reddituum Seminarii hujusmodi ad rationem annuorum quinquaginta scutorum pro quolibet Missionario.

§. 5. Quod si dictus Præpositus Generalis in aliquo casu particulari existimaverit non expedire mitti aliquem ex dictis Seminaristis, eo casu obligatus sit alium ab eadem Cardinalium Congregatione approbandum mittere. Postquam verò quilibet Seminarista ad Seminarium hujusmodi advenerit, debeat Superior ipse Seminarii pro tempore existens, eum ad dilectum filium Secretarium prædictæ Congregationis Cardinalium ducere, ac in illius manibus notam diei adventus ipsius Seminaristæ, necnon juramenti, seu voti prædicti per eum præstiti exhibere, ac insuper quotannis incunte Mense Novembri notam omnium Seminaristarum tunc viventium, tam in Seminario tunc actu existentium, quam eorum qui in Missionibus fuerint, ac denique eorum, qui juramentum, seu votum hujusmodi præstiterint, & tunc temporis nec in Seminario, nec in Missionibus fuerint memorato Secretario tradere cum expressione ætatis uniuscujusque illorum, necnon temporis quo juramentum, seu votum prædictum, emiserint, & quoad Missionarios à quo tempore reperiantur in Missionibus, à qui-

bus nemo possit amoveri aut revocari absque participatione præfate Congregationis Cardinalium. Præterea statuimus, & ordinamus, ut novus Conventus, & Seminarium hujusmodi subjaceant curæ unius Rectoris, & unius Vicereceptoris Fratrum Discalceatorum dictæ Congregationis Italiæ ponendorum & amovendorum ad nutum Præpositi Generalis, & Definitorii præfatorum, cum participatione tamen & approbatione, quantum quidem ad Rectorem attinet dictæ Congregationis Cardinalium in scriptis faciendâ; ipse verò novus Conventus ita servare debeat usui Seminarii supradicti, ut in eo nemo commorari possit, præter Seminaristas eorumque Magistros, & Lectores controversiarum, ac Linguarum Orientalium, aliosque Religiosos Ministerio Ecclesiæ, & servitio domestico ipsius Seminarii necessarios, quorum electio, & amotio in futurum spectet ad memoratum Præpositum Generalem, cum participatione tamen præfate Congregationis Cardinalium quantum ad Seminaristas, eorumque Lectores attinet. Ad hæc administrationem omnium, & singulorum bonorum, reddituum, & proventuum Supradicto Seminario ejusque Missionibus hætenus, tam à præfato Francisco Cimino Barone, quam ab aliis quibuscumque relictorum, datorum, seu donatorum, & in posterum quovis modo dandorum, relinquendorum, & donandorum curæ, & diligentia Præpositi Generalis, & Definitorii præfatorum ad quinquennium committimus, & supponimus, quæ administratio finito quinquennio hujusmodi eis prorogari, seu renovari possit si præfate Cardinalium Congregationi ita videbitur, ea lege ut iidem Præpositus Generalis, & Definitorii constituent Syndicum ad exigendos explendosque redditus præfatos, qui Syndicus semel, vel bis annis singulis fidelem eorum reddittuum rationem, tam præfato Definitorio Generali, quam memoratæ Cardinalium Congregationi reddere, ac pro alimentis, & sustentatione, vestitu, famulatu, aliisque rebus necessariis dictorum Seminaristarum, eorumque Lectorum, memorato novo Conventui, ejusque Superiori ex redditibus ipsi Seminario, tam hætenus relictis, quam in posterum relinquendis scuta quinquaginta monetæ annuatim pro quolibet Seminarista, & Lectore, ac ad rationem annuorum quinquaginta scutorum monetæ hujusmodi pro rata temporis quo quilibet Seminarista, seu Lector in eodem Seminario resederit, ibique aliis cohabitaverit, & convixerit, respectivè solvere teneantur.

§. 6. Quod si Lector pro Studio Linguarum fuerit Sæcularis, vel Religiosus alterius Ordinis, competens ei salarium, seu stipendium ex redditibus dicti Seminarii memoratæ Congregationis Cardinalium arbitrio assignetur. Demum eidem Seminario sic à Nobis translato, seu de novo erecto, omnia & singula bona, redditus, proventus, jura, actiones, & alia quæcumque cujusvis generis, speciei, & qualitatis sint, ac ubicumque locorum consistant, tam illa quæ à præfato Francisco Cimino aliisque personis quibuscumque Seminario antedicto, ejusque Missionibus quovis modo hætenus relicta, donata, data & elargita fuerunt, quam in posterum quandocumque, & quomodocumque relinquenda, donanda, danda, & elargienda, ita ut liceat præfatis Præposito Generali, & Definitorio ejusdem Seminarii nomine illorum omnium, & singulorum veram, realem, & corporalem possessionem, seu quasi apprehendere, & adipisci, ac apprehensam, & adeptam retinere, auctoritate, & tenore præfatis, itidem perpetuò applicamus, & assignamus, & appropriamus. Ac eisdem novo Conventui, & Seminario, necnon Seminaristis, & Fratribus dictæ Congregationis Italiæ in illis pro tempore commorantibus, ut omnibus, & singulis privilegiis, indulgentiis, prærogativis, gratiis, indultis, an-

relationibus, præminentis, facultatibus, & favoribus quibus alii Conventus Congregationis, & Ordinis præfatorum, ac personæ in eis degentes, de jure, usu, consuetudine, & alias quomodolibet utuntur, fruuntur, potiuntur, & gaudent, ac uti, frui, potiri, & gaudere possunt, & poterunt quomodolibet in futurum, pariformiter, & absque ulla prorsus differentia uti, frui, potiri, & gaudere liberè; & licitè possint, & valeant, eisdem auctoritate, & tenore concedimus, & indulgemus.

§. 7. Decernentes easdem præsentis litteras, & in eis contenta quæcumque etiam ex eo quod quicumque in præmissis interesse habentes, seu habere quomodolibet prætendentes, cujusvis status, gradus, ordinis, conditionis, & dignitatis, aut alias speciali, & individua mentione digni existant illis non conferent, aut ad ea vocati, citati & auditi, seu causæ propter quas præsentis emanarunt adductæ, verificatæ, & justificatæ non fuerint, vel ex alia quacumque quantumvis justa, legitima, pia, & privilegiata causa, colore, prætextu, & capite, etiam in Corpore Juris clauso, etiam enormis, enormissimæ, & totalis læsionis, nullo unquam tempore de subreptione, vel obreptione, aut nullitatis vitio, vel intentionis nostræ, seu interesse habentium consensus, aliove quolibet quantumvis magno, ac formali, & substantiali, necessariamque expressionem requirente defectu notari, impugnari, infringi, retractari, in controversiam revocari, aut ad terminos juris reduci, seu adversus illa quodcumque juris, facti, vel gratiæ remedium impetrari, vel intentari, aut impetrato, vel etiam motu proprio, ac de Apostolicæ potestatis plenitudine concessio, vel emanato quempiam in judicio, vel extra illud uti, seu se juvare posse, neque ipsas præsentis litteras sub quibusvis similibus, vel dissimilibus confirmationum, erectionum, translationum, applicationum, assignationum, appropriationum, concessionum, indultorum, & gratiarum revocationibus, limitationibus, restrictionibus, derogationibus, aliisque contrariis dispositionibus, etiam per nos, & Romanos Pontifices Successores nostros, Sedemque Apostolicam sub quibusvis verborum tenoribus, & formis, ac cum quibuslibet clausulis, & decretis quandocumque faciendis unquam comprehendi, aut comprehensas censerent, sed semper ab illis exceptas, & quoties illæ emanabunt, toties in pristinum, & validissimum statum restitutas, repositas, & plenariè reintegratas, ac etiam de novo sub quacumque posteriore data per præfatos Præpositum Generalem, & Definitorium, ac Superiorem, Seminaristas, & Fratres novi Conventus, & Seminarii hujusmodi pro tempore existentes eligenda concessas intelligi, semperque firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore spectabit plenissimè suffragari, & ab illis respectivè inviolabiliter observari. Sicque & non aliter in præmissis omnibus, & singulis censerent, atque ita per quoscumque Judices Ordinarios, & Delegatos etiam causarum Palatii Apostolici Auditores, ac ejusdem Sanctæ Romanæ Ecclesiæ Cardinales, etiam de Latere Legatos, & alios quoscumque quavis auctoritate & potestate fungentes, & funduros, sublata eis, & eorum cuiuslibet quavis aliter iudicandi, & interpretandi facultate, & auctoritate iudicari, & definiri debere, ac irritum, & inane si quid secus super his à quoquam quavis auctoritate scienter, vel ignoranter contigerit attentari.

§. 8. Non obstantibus præmissis, necnon præfatis nostris, ac memoratorum Pauli, Urbani, & Innocentii Prædecessorum etiam in simili forma Brevis litteris, & concordii, legatis, testamentis, codicillis, & dispositionibus ex quacumque cau-

Decretum irritans.

Contrariis derogat.

sa, occa-

sa, occasione, & tempore hæcenus factis, conditis, emanatis, publicatis, executis, & observatis respectivè, & aliis etiam ultimis voluntatibus, quas quoad præmissa sufficienter, & expressè commutamus, ac nostra & Cancellariæ Apostolicæ regula de non concedendis Indulgentiis ad instar, & quatenus opus sit illa de unionibus, & applicationibus committendis ad partes vocatis, quorum interest, exprimendoque in illis vero valore, ac Latæranensis Concilii novissimè celebrati uniones perpetuas, nisi in casibus à jure permixtis fieri prohibendo, necnon recem. Pauli II. & aliorum Romanorum Pontificum Prædecessorum pariter nostrorum de rebus Ecclesiæ non alienandis, aliisque Apostolicis, ac in universalibus Provincialibusque, & Synodalibus Conciliis editis Generalibus, vel specialibus Constitutionibus, & Ordinationibus, ac præfatorum Monasterii, & Ecclesiæ Sancti Pancratii Conventus Sanctæ Mariæ de Victoria, & Seminarii, necnon Provinciæ Romanæ, ac Congregationis Italiæ, & Ordinum hujusmodi, aliisque quibuslibet, etiam juramento, confirmatione Apostolica, vel alia quavis firmitate roboratis statutis, & consuetudinibus, privilegiis quoque, indulgiis, & litteris Apostolicis sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis in genere, vel in specie, ac aliis in contrarium quomodolibet concessis, approbatis, & innovatis, aliisque omnibus & singulis, quæ in supradictis litteris nostris volumus non ob stare. Quibus omnibus, & singulis etiam pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quævis alia expressio habenda aut aliqua alia exquisita forma ad hoc servanda foret, illorum tenores, causas, formas, & occasiones, præsentibus pro plenè & sufficienter, ac de verbo ad verbum insertis, expressis, & servatis respectivè habentes, illis aliis in suo robore permanentibus ad præmissorum effectum specialiter, & expressè ac plenissimè & amplissimè derogamus, & derogatum esse volumus, ceterisque contrariis quibuscumque.

Datum Romæ apud S. Mariam Majorem sub Annulo Piscatoris, die 1. Martii 1662. Pontificatus Nostri Anno septimo.

CXXI.

Super unione Congregationum Monachorum Vallis umbrosæ, & Silvestrinorum nuncupat. sub Regula Sancti Benedicti Militan. In unam Congregationem, quæ Vallis Umbrosæ, & Silvestrina Ordinis S. Benedicti nuncupabitur.

Monachorum Silvestrinorum Congregationem fundavit S. Silvester Guzzolinus Abbas Auximanus Paul. V. Constit. 106. Monachorum Vallisumbrosæ Institutor fuit S. Joannes Gualbertus Calest. 111. Constit. 2.

ALEXANDER PAPA VII.

Ad perpetuam rei memoriam.

Omnipotentis Dei, cujus ineffabili bonitate, & providentia stant, & reguntur universa, vices (licet immeriti) gerentes in terris, ad ea peculiare vigilantie nostræ curas propensissima charitate convertimus, quæ felici prosperoque statui & regimini Congregationum Virorum sub laevi Christi jugo laudabilibus vitæ Monasticæ institutis incumbendum, ubereque bonorum operum fructus, aspirante Divina gratia pro-

ferre jugiter satagentium conducibilia fore, prudenti deliberatione prævia arbitramur.

§. 1. Cum itaque Congregationes Monachorum Vallisumbrosæ, & Silvestrinorum nuncupatorum sub eadem nempe Sancti Benedicti regula militent, si verò illæ sub unius Superioris Generalis gubernio unirentur, & in unum corpus conjungerentur, inde non modicum divini servitii utilitatis utriusque Congregationis hujusmodi proveniret incrementum, & inter ipsarum Congregationum professores charitatis, aliarumque religiosarum virtutum studia magis magisque in dies florent, & vigerent: Hinc est quod Nos ex Pastoralis officii nostri debito earumdem Congregationum felici statui, & commodis salubriter quantum Nobis ex alto conceditur, providere cupientes.

§. 2. Motu proprio, & ex certa scientia, ac matura deliberatione nostris, deque Apostolicæ potestatis plenitudine easdem Congregationes Monachorum, Vallisumbrosæ, & Silvestrinorum nuncupatorum, ac omnia, & singula utriusque illarum Monasteria, Grancias, Conventus, membra, & alia loca regularia, quæcumque ad illas quovis modo spectantia, & ab ipsis Congregationibus, earumque Monasteriis, & locis regularibus quomodocumque, & qualitercumque dependentia in unam Congregationem quæ Congregatio Vallisumbrosæ, & Silvestrina Ordinis S. Benedicti nuncupari, & conjunctis ambarum Congregationum prædictarum insignibus uti debeat, tenore præsentium perpetuo jungimus, & unimus. Volentes ut universa Congregatio, sic ex duabus in unam coalescens, in tres Professiones in omnibus inter se ac penitus, & omnino coæquatas, & quarum una S. Benedicti, & altera Sancti Joannis Gualberti, ac tertia S. Silvestri respectivè vocentur, divisa sint. Electio autem Abbatis Generalis alternatim, & per turnum inter easdem Professiones fiat, & Abbas Generalis pro tempore electus universæ Congregationis hujusmodi caput existat.

§. 3. Quodcumque verò Abbas Generalis ex una professione fuerit, Visitatores ex aliis duabus professionibus assumantur. Porro electio Abbatis Generalis post modernum ex toto gremio Capituli generalis de persona habili fiat nullo habito ad ullam professionem respectu, & finito Generalatu electi eadem forma eligatur ad subsequendum quadriennium unus ex Professione S. Silvestri, nisi tamen ex illa assumptus fuerit Abbas Generalis pro quadriennio antecedenti, ita ut à primo electo turnus, seu alternativa incipiat.

§. 4. Statuentes ut quando Abbas Generalis fuerit ex aliqua dictarum professionum S. Benedicti, & S. Joannis Gualberti, Vicarius Generalis Congregationis hujusmodi semper sit ex professione S. Silvestri, & vice versa si ex professione S. Silvestri fuerit Abbas Generalis, ex aliqua prædictarum S. Benedicti, & S. Joannis Gualberti Professionum assumatur Vicarius Generalis. Quod si prius electus in Abbatem Generalem sit ex Professione S. Silvestri, post hunc eligatur in Abbatem Generalem unus ex illa aliarum duarum Professionum quæ Abbatem Generalem immediatè non habuerit; Vicarius autem Generalis secundum in universa Congregatione hujusmodi locum habeat, omnique facultate, quæ Vicario Generali competere solet (præterquam eligendi, vel removendi Superiores, & Officiales ac mutandi, seu transferendi Monachos ab uno loco in alium absque occasione gravis scandali, & casus urgentis) potestatur, & in casu vocationis Generalatus succedat Vicarius Generalis in omnibus, & per omnia cum auctoritate Abbatis Generalis usque ad novam electionem, quæ tertia Dominica post Pascha Resurrectionis Dominicæ vacationem hujusmodi immediatè subsequente fieri debeat.

Unit ambas
Religiones.Dat. P. An. 7.
die 1. Martii.Edita An. D.
1662.

Exordium.